



16687

十八家詩鈔卷二十八目錄

陸放翁七絕下四百八十二首

湖村野興二首

中夜雨霽月色入戶起飲酒一杯作絕句

溪上醉吟

鄉人或病予詩多道蜀中遊樂之盛適春日遊鏡湖共請

賦山陰風物遂卽杯酒閒作四絕句卻當持以誇西州

故人也四首

柯橋客亭二首

曉枕

十八家詩鈔

卷二十八目錄

晨起閒步

送紫霄女道士四明謝君二首

夜中起讀書戲作二首

初冬雜題六首

題海首座俠客像

曾仲躬見過適遇予出畱小詩而去次韻一首

雜興三首

舟中感懷三絕句

飲張功父園戲題扇上

宿石帆山下二首



倦眼

拜旦表

病中夜半

即事

園中絕句二首

雪中忽起從戎之興戲作四首

余年二十時嘗作菊枕詩頗傳於人今秋偶復采菊縫枕

囊悽然有感二首

寒夜讀書二首

楊庭秀寄南海集二首

假中閉戶終日偶得絕句

雨中獨坐

塞上曲四首

寓蓬萊館二首

拄杖

北望

估客有自蔡州來者感悵彌日二首

夜歸偶懷故人獨孤景略

縱筆二首

練塘

十八家詩鈔 卷二十八 目錄

二

五雲橋

雲門獨坐

東關二首

詠史

湖上小閣

道石三首

秋晚思梁益舊遊三首

小舟自紅橋之南過古澤歸三山二首

雜題六首

歎俗

十八

家詩鈔

卷二十八目錄

觀梅至花涇高端叔解元見尋二首

小市

秋夜將曉出籬門迎涼有感二首

秋日郊居八首

示兒

舍北望水鄉風物戲作絕句

晝眠

夜讀范致能攬轡錄言中原父老見使者多揮涕感其事

作絕句

村東

雨晴

病起

松下縱筆四首

山園遣興

雨夕焚香

排悶六首

繫舟二首

連日風雨寒甚夜忽大風明日遂晴

晚興

記夢三首

十八家詩鈔

卷二十八目錄

四

讀史

夜讀呂化光文章拋盡愛功名之句戲作

泛舟觀桃花二首

小僧乞詩

看鏡二首

三峽歌九首

望永思陵二首

霜夜二首

贈道友五首

示子聿

紙閣午睡二首

春晚懷山南四首

初夏八首

舍北晚眺二首

小舟遊近村捨舟步歸四首

讀易二首

一壺歌五首

懷舊六首

讀杜詩

半丈紅盛開

十八家詩鈔

卷二十六目錄

五

感事四首

題韓運鹽竹隱堂絕句

北園雜詠六首

雜感十首

戲作治生絕句

龜堂雜題四首

太息四首

梅花三首

沈園二首

致仕後即事六首

冬晴與子坦子聿遊湖上六首

龜堂雜興八首

庚申元日口號五首

枕上口占

喜晴

枕上一首

對酒戲詠

食晚

小舟白竹篷蓋保長所乘也偶借至近村戲作二首

稻飯

十八家詩鈔

卷二十八目錄

六

追感往事五首

雨晴風日絕佳徙倚門外三首

海上作

夏日雜題二首

出門與鄰人笑談久之戲作

夜歸二首

錢道人不飲酒食肉囊中不畜一錢所須飯及草屨一物

皆臨時乞錢買之非此雖與不取也二首

秋日雜詠三首

倚樓

除夕

梅花絕句六首

別嚴和之二首

夏初湖村雜題三首

夜吟二首

感舊贈超師

謝韓實之直閣送燈二首

紹興癸亥余以進士來臨安年十九明年上元從舅光州通守唐公仲俊招觀燈後六十年嘉泰壬戌被命起造朝明年癸亥復見燈夕遊人之盛感歎有作

十八家詩鈔

卷二十八

目錄

七

夢遊三首

聞蛩二首

湖上秋夜

秋思

雜興三首

書事四首

雨後

甲子秋八月偶思出遊八首

感昔五首

莫秋六首

大恩三首

柳橋

鷓鴣

鷺

夢中作

自詠絕句八首

新製小冠二首

秋懷四首

秋思絕句五首

十八家詩鈔

卷二十八目錄

老學庵北窗雜書一首

秋興七首

道室卽事四首

憶昨三首

出遊歸臥得雜詩八首

煙波卽事十首

見鵲補巢戲作

春晚卽事四首

雜詠

夏日雜題五首

秋晚雜興十二首

二友

歲晚二首

曉起折梅

新春感事五首

記閒

春遊三首

書憂

門外獨立

書感二首

十八家詩鈔

卷二十八目錄

秋暑夜起追涼二首

秋思八首

感事

仲秋書事八首

溪上小雨

聞新鴈有感二首

初冬雜詠五首

得子虞書言明春可歸

雜賦二首

梅

春日雜興五首

花下小酌二首

夏日七首

卽事二首

嘉定己巳立秋得膈上疾近寒露乃小愈三首

梅市書事

示兒

白八家詩鈔

卷二十八目錄

十

十八家詩鈔卷二十八目錄

善化黃維中襄校

湘鄉曾國藩纂 合肥李鴻章審訂 東湖王定安校

陸放翁七絕下四百八十二首

湖村野興

十里疏鐘到野堂五更殘月伴清霜已知無奈姮娥冷瘦損梅花更斷腸

山色空濛雨點微醉中不覺溼蓑衣何妨乞與丹青本一棹橫

衝翠靄歸

中夜雨霽月色入戶起飲酒一杯作絕句

吹盡浮雲天宇清城頭疊鼓報三更平生無此一杯酒玉笥峯

十八家詩鈔

卷二十八 七絕

陸游下

頭看月生

元注玉笥山在石帆之南

溪上醉吟

行行不知溪路深但怪素月生遙岑不辭醉袖拂花絮與子更

醉青蘿陰

鄉人或病予詩多道蜀中遊樂之盛適春日遊鏡湖共請

賦山陰風物遂卽杯酒閒作四絕句卻當持以誇西州

故人也

涪熙十一年甲辰六十歲

嫩日輕雲淡沲天撲燈過後賣花前便從水閣杭湖去捲起朱

簾上畫船

舫子窗扉面面開金壺桃杏閒尊疊東風忽送笙歌近一片樓

臺汜水來
湖波綠似鴨頭深一日春晴直萬金好事誰家鬪歌舞方舟齊
榜出花陰
花光柳色滿牆頭病酒今朝嬾出遊卻就水亭開小宴繡簾銀
燭看歸舟

柯橋客亭

小市初晴已過春朱櫻青杏一番新灞陵老子無人識暫借郵
亭整角巾

梅子生仁燕護雛邊檐新葉綠扶疏朝來酒興不可耐買得釣
船雙鱖魚

十八家詩鈔

卷二十八

陸游下

曉枕

曉枕鶯聲帶夢聽忽看淡日滿窗櫺閒愁誰遣濃如酒醉過殘
春不解醒

晨起閒步

飛紅掠地送春忙嫩綠成陰帶露香聽徹曉天鷓百轉卻隨飛
蝶度橫塘

送紫霄女道士四明謝君

一別南充十四年時時清夢到金泉山陰道上秋風早卻見神
仙小自然

道骨仙風凜不羣清秋采藥到江村自言家住雲南北知是遺

塵後世係

夜中起讀書戲作

髮已凋零齒已疏忍飢白首臥蝸廬風聲忽驟篷窗過夜半呼
燈起讀書

滅虜區區計本疏水邊喬木擁茅廬九原定發韓公笑至老依
然一束書

初冬雜題

勳業文章意已闌莫年不足是看山江南寺寺樓堪倚安得身
如杜牧閒

莫嫌風雨作新寒一樹青楓已半丹身在范寬圖畫裏小樓西
十八家詩鈔

角刺憑闌

卷二十八

七絕

陸游下

三

風橫雲低雨腳斜一枝柔艣暮吟啞昏昏醉臥知何處推起船
篷忽到家

五斗安能解醉醒菅騰睡眼怯窗明策勳賴有春芽在臥聽山
童轉磴聲

荒郊寒雨晚淒淒四壁穿頽旋補泥物我元須各安穩自苦牛
屋織雞棲

風雨聲豪入夢中不知身世寄孤篷狐裘氎帽如龍馬天漢西
南小益東

題海首座俠客像

趙魏胡塵千丈黃遺民膏血飽豺狼功名不遺斯人了無柰和戎白面郎

曾仲躬見過適遇予出畱小詩而去次韻二首

地僻元無俗客來蓬門只欲爲君開山橫翠黛供詩本麥卷黃雲足酒杯

數樹山花草舍東想公繫馬落殘紅那知老子耶溪上正泛朝南莫北風

雜興

纓井初生一縷雲鮑郎山下雨昏昏鶻聲嘔軋秋空曉水際人家尚閉門

十八家詩鈔

卷二十八

陸游下

四

孤夢初回揭短篷橋邊曉日已曛曛太平氣象君知否盡在豐年笑語中

古寺高樓暮倚闌野雲不散白漫漫好山遮盡君無恨且作滄溟萬里看

舟中感懷三絕句呈太傅相公兼簡岳大用郎中

浪中鞞轂雨聲寒孤夢初回燭半殘甲子一周胡未滅關山還帶淚痕看

雨打孤篷酒漸消昏燈與我共無聊功名本是無憑事不及寒江日雨潮

夢筆亭邊擁鼻吟壯圖蹭蹬老侵尋不眠數盡雞三唱自笑當

年起舞心

飲張功父園戲題扇上

寒食清明數日中西園春事又怱怱梅花自避新桃李不爲高樓一笛風

宿石帆山下

卷地東風吹釣船石帆重到又經年放翁夜半酒初解落月銜山聞杜鵑

繫船禹廟醉如泥投宿漁家月向低溼翠撲人濃可掬始知身在石帆西

倦眼

十八家詩鈔

卷二十八

七絕

陸游下

五

看書澀似上羊腸得睡甘如飲蜜房起坐藤牀搔短髮數聲畫角報斜陽

拜旦表

一封馳奏效嵩呼清蹕何時返故都只道建炎巡狩禮誰知故事自祥符

病中夜半

蕭蕭欲脫猶吟葉耿耿微明未滅燈夜半不眠閒倚壁使君清似北山僧

卽事

組繡紛紛銜女工詩家於此欲途窮語君白日飛昇法正在焚

香聽雨中

園中絕句

梅花重壓帽檐偏，曳杖行歌意欲仙。後五百年君記取，斷無人似放翁顛。

溪北溪南飛白鷗，夕陽明處見漁舟。憑誰爲剪機中素，盡取天涯一片秋。

雪中忽起從戎之興戲作

狐裘臥載錦駝車，酒醒冰髭結亂珠。三尺馬鞭裝白玉，雪中畫字草軍書。

鐵馬渡河風破肉，雲梯攻壘雪平壕。獸奔鳥散何勞逐，直斬單于十八家。詩鈔卷二十八 七絕 陸游下

于豐寶刀

十萬貔貅出羽林，橫空殺氣結層陰。桑乾沙土初飛雪，未到幽州一丈深。

羣胡束手仗天亡，棄甲縱橫滿戰場。雪上急追犇馬迹，官軍夜半入遼陽。

余年二十時嘗作菊枕詩頗傳於人，今秋偶復采菊縫枕。

囊懷然有感

淳熙十四年丁未六十三歲

采得黃花作枕囊，曲屏深幌悶幽香。喚回四十二年夢，燈暗無人說斷腸。

少日曾題菊枕詩，蠹編殘槩鎖蛛絲。人間萬事消磨盡，只有清

香似舊時

寒夜讀書三首錄

北窗暖焰滿爐紅夜半濤翻古檜風老死愛書心不厭來生恐

墮蠹魚中

憶昨從戎出渭濱秋風金鼓震咸秦鳶肩竟欠封侯相三尺檠

邊老此身

楊庭秀寄南海集

俗子與人隔塵劫何啻相逢風馬牛夜讀楊卿南海句始知天

下有高流

飛卿數闋嶠南曲不許劉郎誇竹枝四百年來無復繼如今始

十八家詩鈔

卷三六七絕陸游下

有此翁詩

元注溫飛卿南鄉子九首其上不減夢得竹枝

假中閉戶終日偶得絕句三首錄一

雨聲滴滴莫未已苔暈重重寒更添知是使君初睡起清香一

綫透疏簾

雨中獨坐

馬目山頭雨脚昏龍津橋下浪花翻年豐郡僻無公事一炷清

香晝掩門

自拜旦表至此皆知嚴州時之詩

塞上曲

此下自嚴州歸山陰後之詩

秋風獵獵漢旗黃曉陌霜清見太行車載旣廬駝載酒漁陽城

裏作重陽

將軍許國不懷歸。又見桑乾木葉飛。要識君王念征戍。新秋已報賜冬衣。

金鼓轟轟百里聲。繡旗寶馬照川明。王師仗義從天下。莫道南兵夜斫營。

老矣猶思萬里行。翩然上馬始身輕。玉關去路心如鐵。把酒何妨聽渭城。

寓蓬萊館

桐葉吹殘。蕉葉黃。驛窗微雨送淒涼。長安許史無平素。莫恨棲棲立路旁。

古驛蕭蕭獨倚闌。角聲催晚雨。催寒。殘年遇合應無日。猶說新

十八家詩鈔

卷二

六七絕

陸游下

八

拄杖

放翁拄杖具神通。蜀棧吳山興未窮。昨夜夢中行萬里。蓮華峯上聽松風。

北望

北望中原淚滿巾。黃旗空想渡河津。丈夫窮死由來事。要是江南有此人。

估客有自蔡州來者感悵彌日

洮河馬死劍鋒摧。綠髮成絲每自哀。幾歲中原消息斷。喜聞人

自蔡州來。

百戰元和取蔡州如今胡馬飲淮流和親自古非長策誰與朝
家共此憂

夜歸偶懷故人獨孤景略

買醉村場半夜歸西山落月照柴扉劉琨死後無奇士獨聽荒
雞淚滿衣

縱筆四首錄二四

一紙除書到海邊紫皇賜號武夷仙功名敢道渾無意暫作閒
人五百年

素月徘徊牛斗閒天風吹鶴度函關一年似此佳時少喚起陳
樽醉華山

十八家詩鈔卷三六七絕陸游下
練塘

微風吹頰酒初醒落日舟橫杜若汀水秀山明何所似玉人臨
鏡暈螺青

五雲橋元注往時鏡湖陂防不廢則若耶溪水常滿可
行大舟至雲門此橋本跨溪上今則在平陸矣

若耶北與鏡湖通縹緲飛橋跨半空陵谷變遷誰復識我來徒
倚暮煙中

雲門獨坐

山北山南處處行回頭六十七清明如今老去摧頽甚獨坐焚
香聽水聲

東關

天華寺西艇子橫白蘋風細浪紋平移家只欲東關住夜夜湖中看月生

蕭雨打篷
煙水蒼茫西復東扁舟又繫柳陰中三更酒醒殘燈在臥聽蕭

詠史

入郢功成賜屬鏤削吳計用載廚車閉門種菜英雄事莫笑衰翁日荷鉏

湖上小閣

蒲萄初紫柿初紅小閣憑闌萬里風莫怪年來增酒量此中能善太虛空

十八家詩鈔

卷二十八 七絕 陸游下

十

道石

元注吾家舊藏奇石甚富今無復存者獨道石一尚置几案閒戲作

秋風嫋嫋雨班班身隱幽窗筆硯閒小試壺公縮地術數峯閒

對道州山

林慮靈壁俱尤物散落人間不復還投老東歸風味在春陵小岫伴身閒

誤因祿米棄蓴鱸一落塵埃底事無布韞青鞵雖興盡此峯聊當臥遊圖

秋晚思梁益舊遊

幅巾筇杖立籬門秋意蕭條欲斷魂恰似嘉陵江上路冷雲微

雨溼黃昏

憶昔西行萬里餘。長亭夜夢歸吳。如今歷盡風波惡。飛棧連雲。是坦途。

滄波極目江鄉恨。衰草連天塞路愁。三十年閒行萬里。不論南北怯登樓。

小舟自紅橋之南過吉澤歸三山

霏霏寒雨數家村。雞犬蕭然晝閉門。它日路迷君勿恨。人間隨處有桃源。

六月芙蓉正盛時。畫船長記醉題詩。世閒好景元無盡。霜落荷枯又一奇。

雜題

十八家詩鈔

卷二十八

陸游下

十一

松肪釀酒石根醉。榭葉作衣雲外行。指點人閒一長歎。秋風又到洛陽城。

山家貧甚亦支撐。時撫桐孫一再行。朝甑米空烹芋粥。夜缸油盡點松明。

羊裘老人只念歸。安用星辰動紫微。洛陽城中市兒眼。情知不識釣魚磯。

黍醅新壓野雞肥。茆店酣歌送落暉。人道山僧最無事。憐渠猶趁莫鐘歸。

釣魚吹笛本閒身。正坐微官白髮新。著屐此生猶綈綌。可令復踏九衢塵。

山光黛黛朝如溼川氣鎔銀莫不收詩料滿前誰領略時時來倚水邊樓

歎俗

風俗陵夷日可憐乞墾鉗市亦欣然看渠皮底元無血那識虞卿魯仲連

觀梅至花涇高端叔解元見尋

春晴閒過野僧家邂逅詩人共晚茶歸見諸公問老子爲言滿帽插梅花

春暝山中雲作堆放翁艇子出尋梅不須問訊道傍叟但覓梅花多處來

十八家詩鈔

卷二十八

七

陸游下

十一

小市

小市狂歌醉墮冠南山山色跨牛看放翁胷次誰能測萬里秋空未是寬

秋夜將曉出籬門迎涼有感

迢迢天漢西南落喔喔鄰雞一再鳴壯志病來消欲盡出門搔首愴平生

三萬里河東入海五千仞嶽上摩天遺民淚盡胡塵裏南望王師又一年

秋日郊居

山雨霏微鴨頭水溪雲細薄魚鱗天幽尋自笑本無事羽扇

枝上釣船

行歌曳杖到新塘銀闕瑤臺無此涼萬里秋風菰菜老一川
月稻花香

秋日畱連野老家朱槃鮓鱸粲如花已炊藟散真珠米更點丁

坑白雪茶

元注藟散米名丁坑茶名

車蕩比鄰例饋魚流涎對此四腮鱸北窗雨過涼如水消得先
生一醉無

今年斟酌是豐年社近兒童喜欲顛半醉半醒村老子家家門
口掠神錢

魚鱖滿缶酒新篳處處吳歌起籠頭上客已隨新雁到晚禾猶
十八家詩鈔

卷二十八

七絕

陸游下

三

待薄霜收

兒童冬學鬧比鄰據案愚儒卻自珍授罷村書閉門睡終年不
著面看人

兩翁兒女舊論姻酒擔羊腔喜色新不遣交情隔生死固應世
好等朱陳

元注小兒子聿聘亡友張叔渚季女蓋尋舊約也

示兒

文能換骨餘無法學到窮源自不疑齒豁頭童方悟此乃翁見
事可憐遲

舍北望水鄉風物戲作絕句

西風沙際矯輕鷗落日橋邊繫釣舟乞與畫工團扇本青林紅

樹一川秋

晝眠

困睫瞢騰老孝先，麤氈布被早霜天。珥貂碧落應無分，且向人閒作睡仙。

夜讀范致能攬轡錄，言中原父老見使者多揮涕感其事

作絕句

公卿有黨排宗澤，帷幄無人用岳飛。遺老不應知此恨，亦逢漢節解沾衣。

村東

村西行藥到村東，沙路溪流曲折通。莫問梅花開早晚，杖藜到處即春風。

雨晴

山川炳煥似開國，風雨退收如解嚴。老子真成無一事，抱孫負日坐茆檐。

病起

少年射虎南山下，惡馬強弓看似無。老病即今那可說，出門十步要人扶。

松下縱筆

自掃松陰寄醉眠，龍吟虎嘯滿霜天。卻思初到人閒世，似是唐堯丙子年。

堯丙子年

十八家詩鈔 卷二十八 七絕 陸游下 西

老不能間莫笑予五千言豈世閒書青松折取當麈尾爲子試談天地初

種玉餐芝術不傳金丹下手更茫然陶公妙訣吾曾受但聽松風自得仙

髯龍天矯欲飛去百尺蒼藤羅絡之應笑此翁才不進故將老氣起吾詩

山園遣興

輸逋告糴走比鄰恤患分苗累故人安得此身無一事林中數筍過殘春

雨夕焚香

十八家詩鈔

卷二十八 七絕 陸游下

五

芭蕉葉上雨催涼蟋蟀聲中夜漸長繙十二經真太漫與君共此一爐香

排悶

丈夫結髮志功名大事真當以死爭我昔駐車籌筆驛孔明千載尙如生

曾攜一劍遠從戎秦趙關河顧盼中老去功名無復夢凌煙分付黑頭公

四十從軍渭水邊功名無命氣猶全白頭爛醉東吳市自拔長

刀割彘肩

西塞山前吹笛聲曲終已過雒陽城君能洗盡世閒念何處樓

臺無月明

萬里風中寄斷蓬。古來虛死幾英雄。拔山力與回天勢。不滿先生一笑中。

風霜九月冷颼颼。湖海飄然一布裘。親見宓義初畫卦。轉頭三十萬春秋。

繫舟

繫舟江浦待潮平。歎息無人共月明。歷盡世間多少事。飄然依舊老書生。

地曠月明鋪素練。霜寒河淺拂輕綃。手扶萬里天壇杖。夜過前村馬會橋。

十八家詩鈔

卷二十八

去

連日風雨寒甚夜忽大風明

萬里浮雲一掃空。碧天無際日曛曛。歡聲四起春風裏。恰似祥符景德中。

晚興

一聲天邊斷雁哀。數葉籬外蚤梅開。幽人耐冷倚門久。送月墮湖歸去來。

記夢

黃河袞袞抱潼關。蒼翠中條接華山。城郭邱墟人盡老。藥爐依舊白雲閒。

西巖老宿雪垂肩。白石爲糧四百年。喜我未忘山下路。慙慙握

手一欣然

三髻山童喜欲顛。下山迎我拜溪邊。松陰拂罷蒼苔石。接竹穿雲理舊泉。

讀史

南言萼菜似羊酪。北說荔枝如石榴。自古論人多類此。簡編千載判悠悠。

夜讀呂化光文章。拋盡愛功名之句。戲作。

玉關西望氣橫秋。肯信功名不自由。卻是文章差得力。至今知有呂衡州。

泛舟觀桃花 五首錄

十八家詩鈔

卷二十八 七絕

陸游下

七

花溼二月桃花發。霞照波心錦裏山。說與東風直須惜。莫吹一片落人間。

桃源只在鏡湖中。影落清波十里紅。自別西川海棠後。初將爛醉會春風。

小僧乞詩

風前掩苒草吹香。溪上霏微雨送涼。萬里安西無夢到。卻尋僧話破年光。

看鏡

凋盡朱顏白盡頭。神仙富貴兩悠悠。胡塵遮斷陽關路。空聽琵琶奏石州。

七十衰翁臥故山鏡中無復舊朱顏一聯輕甲流塵積不爲君
王戍玉關

三峽歌

乾道庚寅予始入蜀上下三峽屢矣後二十五年歸畊
山陰偶讀梁簡文巴東三峽歌感之擬作九首實紹熙

甲寅十月二日也

時年七十歲

神女廟前秋月明黃牛峽裏莫猿聲危途性命不容恤百丈牽
船侵夜行

不怕灘如竹節稠新灘已過可無憂古妝峩峩一尺髻木盃銀

杯邀客舟

十八家詩鈔

卷二十八 七絕

陸游下

十九

十二巫山見九峯船頭彩翠滿秋空朝雲暮雨渾虛語一夜猿

啼明月中

錦繡樓前看賣花麝香山下摘新茶長安卿相多憂畏老向夔

州不用嗟

險詐沾沾不媿天交情回首薄如煙東遊萬里雖堪樂灑灑瞿

唐要放船

蠻江水碧瘴花紅白舫黃旗無便風涪萬四時常避水棚居高

出亂雲中

亂插山花簪子紅蠻歌相和瀼西東忽然四散不知處踏月捫

蘿歸峒中

萬州溪西花柳多四鄰相應竹枝歌問君今夕不痛飲柰此滿川明月何

我遊南賓春莫時蜀船曾繫挂猿枝雲迷江岸屈原塢花落空山夏禹祠

望永思陵

綠衣迎拜屬車塵草木曾霑雨露春三十五年身未死卻爲天下最窮人

肝食憂民宴樂疏太倉幾有九年儲賈生未解人閒事北闕猶陳痛哭書

霜夜

元注紹興庚辰辛巳閒游屢貢著言略蒙施用

十八家詩鈔

卷二十八 七絕 陸游下

九

梅花欲動夢魂狂橙子閒搓指爪香莫怪草堂清到骨一梳殘月伴新霜

黃甘磊落圍三寸赤蠶輪困可一斤更喚東陽麴道士與君霜

夜策奇勳

元注時東陽餉酒

贈道友

凡遊仙及學道詩都無事實縹緲恍惚語在可解不可解之閒太白最多放翁亦屢爲之此末二首

又似先生自述之詞

凡骨已蛻身自輕勃落葉上行無聲華陰市樓醉舞罷卻上蓬峯看月明

憶在長安爛漫遊大明宮闕與雲浮今朝偶上慈恩塢北望芒

芒禾黍秋

當時辛苦學長生。準擬中原看太平。今日醉遊心已足。一瓢歸去隱青城。

三杯兀兀復騰騰。服氣燒丹總不能。借問生涯在何許。孤舟風雨伴漁燈。

零落殘碑草棘中。北邙蕭瑟又秋風。舊時憶在鷓鴣行裏。幾見宣麻拜相公。

示子聿

儒林早歲竊虛名。白首何曾負短檠。堪歎一衰今至此。夢回聞汝讀書聲。

紙閣午睡

十八家詩鈔

卷二十八 七絕 陸游下

二十

紙閣輒爐火。一椀斷香欲出礙。蒲簾放翁不管人閒事。睡味無窮似蜜甜。黃綉被煖青氈穩。紙閣油窗晚更妍。一飽無營睡終日。自疑身在結繩前。

春晚懷山南

梨花堆雪柳吹絲。常記梁州古驛前。二十四年成昨夢。每逢春晚卽悽然。

壯歲從戎不憶家。梁州裘馬鬪豪華。至今夜夜尋春夢。猶在吳園藉落花。

梁州一別幾清明。常憶西郊信馬行。桃李成塵總閒事。梨花楊

柳最關情

身寄江湖兩鬢霜。金鞭朱彈夢猶狂。遙知南鄭城西路。月與梨花共斷腸。

初夏

紛紛紅紫已成塵。布穀聲中夏令新。夾路桑麻行不盡。始知身是太平人。

剪韭醃齏粟作漿。新炊麥飯滿村香。先生醉後騎黃犢。北陌東阡看戲場。

稻未分秧麥已秋。豚蹄不用祝甌瓊。老翁七十猶彊健。沒膝春泥夜叱牛。

十八家詩鈔

卷二十八

七絕

陸游下

三

買得新船疾似飛。蠶飢遙望采桑歸。越羅蜀錦吾何用。且備幽人卒歲衣。

槐柳成陰雨洗塵。櫻桃乳酪併嘗新。古來江左多佳句。夏淺勝春最可人。

隋家古寺郡西南。寺廢殘僧只二三。藜藿滿庭塵閣佛。時聞鐃鼓賽春蠶。

渺渺荒陂古埭東。柳姑小廟柳陰中。放翁老儻扶藜杖也。逐鄉人禱歲豐。

老翁賣卜古城隅。兼寫宜蠶保麥符。日日得錢惟買酒。不愁醉倒有兒扶。

舍北晚眺

紅樹青林帶莫煙。竝橋常有賣魚船。樊川詩句營邱畫盡在。生拄杖邊。

日日津頭繫小舟。老人自嬾出門遊。一枝筇杖疏籬外。占斷千巖萬壑秋。

小舟遊近村捨舟步歸

數家茅屋自成村。地碓聲中晝掩門。寒日欲沈蒼霧合。人間隨處有桃源。

借得漁船泝小谿。繫船浦口卻扶藜。莫言村落蕭條甚也。勝京塵沒馬蹄。

十八家詩鈔

卷二

八七絕

陸游下

三

不識如何喚作愁。東阡南陌且閒遊。兒童共道先生醉。折得黃花插滿頭。

斜陽古柳趙家莊。負鼓盲翁正作場。死後是非誰管得。滿村聽說蔡中郎。

讀易

羸軀抱疾時時劇。白髮乘衰日日增。淨埽東窗讀周易。笑人投老欲依僧。

老喜杜門常謝客。病惟讀易不迎醫。冬來更愧乖慵甚。醉過收蕎下麥時。

一壺歌

悠悠日月沒根株。常在人間醉一壺。傾倒欲空還澱澀。不曾教化不曾沽。

先生醉後卽高歌。千古英雄柰我何。花底一壺天所破。不曾飲盡不曾多。

自從軒昊到隋唐。幾見中原作戰場。三十萬年如電掣。不曾記得不曾忘。

恥從嶽牧立堯庭。況見商周戰血腥。攜得一壺閒處飲。不曾苦醉不曾醒。

長安市上醉春風。亂插繁花滿帽紅。看盡人間興廢事。不曾富貴不曾窮。

懷舊

十八家詩鈔

卷二十八

七絕

遊游下

三

鶴鳴山下竹連雲。鳳集城邊柳映門。當日不知爲客樂。如今回首卻消魂。

駿驟西過雨漫天。千里江山在眼邊。二十四年如昨夢。憑誰問訊帶枷倦。

楓煙不舉羽書稀。幙府相從日打圍。最憶定軍山下路。亂飄紅葉滿戎衣。

翠崖紅棧鬱參差。小益初程景最奇。誰向豪端收拾得。李將軍畫少陵詩。

回龍寺壁看維摩。最得曹吳筆意多。風雨塵埃昏欲盡。何人更

著手摩挲

蟠豕山頭是漢源故祠寂寞掩朱門擊鮮藉草無窮樂送老那知江上村

讀杜詩

千載詩亡不復刪少陵談笑即追還常憎晚輩言詩史清廟生民伯仲閒

半丈紅盛開

滿酌吳中清若空共賞池邊半丈紅老子通神誰得似短筇到處即春風

感事

十八家詩鈔

卷二十八

七絕

陸游下

五

雞犬相聞三萬里遷都豈不有關中廣陵南幸雄圖盡淚眼山河夕照紅

堂堂韓岳兩驍將駕馭可使復中原廟謀尙出王導下顧用金

陵爲北門

渭上晝昏吹戰塵橫戈慷慨欲忘身東歸卻作漁村老自誤青春不怨人

捫蝨當時頗自奇功名遠付十年期酒澆不下胸中恨吐向青

天未必知

題韓運鹽竹隱堂絕句

三首錄一

塵埃車馬日駸駸誰解從君一散襟待我清秋有閒日抱琴來

北園雜詠共十首錄一三四八九十

西村林外起炊煙南浦橋邊繫釣船
樂歲家家俱自得桃源未必是神仙

小橋密接西岡路支徑深通北嶺村
老子意行無遠近月中時

打野人門

東吳霜薄富園蔬紫芥青松小雨餘
未說春盤供采擷老夫湯

餅亦時須

歲殘已似早春天隔水橫林一抹煙
聞道隸西梅半吐攜兒閒

上釣魚船

白髮蕭蕭病滿身凍雲野渡正愁人
揚鞭大散關頭日曾看中

原萬里春

莫年身似一虛舟付與滄波自在流
垂地雪雲吹不散且傾桑

落膾槎頭

雜感慶元四年戊午七十四歲

志士山棲恨不深人知已是負初心
不須先說嚴光輩直自巢

由錯到今

勸君莫識一丁字此事從來誤幾人
輸與茅檐負暄叟時時睡

覺一頻伸

世事紛紛無已時勸君杯到不須辭
但能爛醉三千日楚漢興

亡繯不知
百年鼎鼎成何事
寒暑相催卽白頭
縱得金丹真不死
摩挲銅狄更添愁

世閒魚鳥各飛沈
茅屋青山無古今
畢竟替他愁不得
幾人虛費一生心

一杯濁酒卽醺然
自笑閒愁七十年
今日出門天地別
此身如在結繩前

山人那信宦途艱
強著朝衣趁曉班
豪氣不除狂態作
始知只合死空山

老子傾囊得萬錢
石帆山下買烏犍
牧童避雨歸來晚
一笛春風十八家

詩鈔
風草滿川

卷二十八

陸游下

三

故舊書來訪死生
時聞剝啄叩柴荆
自嗟不及東家老
至死無人識姓名

忍窮待死十年閒
老子誰知老更頑
溪友畱魚供晚酌
鄰僧送米續朝餐

戲作治生絕句

治生何用學陶朱
少許能慳便有餘
惜酒已停晨服藥
省油仍廢夜觀書

龜堂雜題

龜堂端是無能者
妄想元無一事成
最後數年尤可笑
笑飽餐甘

遺詩存生

癡頑老子老無能。遊惰農夫酒肉僧。閉著菴門終日睡。任人來喚不曾應。

長腰玉粒出新春。秋穫真成畝一鍾。衣食麤供官賦足。何妨世世作耕農。

冷雨蕭蕭濕不晴。亂書圍坐正縱橫。忽聞小瓮新醅熟。喚兒童洗破甌。

太息

早歲元于利欲輕。但餘一念在功名。白頭不試平戎策。虛向江湖過此生。

十八家詩鈔 卷二十八 七絕 陸游下 三

書生忠義與誰論。骨朽猶應此念存。砥柱河流僂掌日。死前恨不見中原。

自古才高每恨浮。偉人要是出中州。即今未必無房魏。埋沒湖沙死即休。

關輔堂堂墮虜塵。渭城杜曲又逢春。安知今日新豐市。不有悠然獨酌人。

梅花 六首錄 一五六

五十年間萬事非。放翁依舊掩柴扉。相從不厭閒風月。只有梅花與釣磯。

秭歸江頭煙雨昏。客舟夜繫梅花村。相逢萬里各羈旅。不待援

晴已斷魂
青羊宮前錦江路曾爲梅花醉十年豈知今日尋香處却是山
陰雪夜船

沈園

城上斜陽畫角哀沈園非復舊池臺傷心橋下春波綠曾是驚
鴻照影來

夢斷香消四十年沈園柳老不吹絲此身行作稽山土猶弔遺
蹤一泫然

致仕後卽事

共十五首錄一
四五六七九十五

休官拜命不勝榮墨溼黃新照眼明絡繹交親來作賀羊腔酒

十八家詩鈔

卷二十八

七絕

陸游下

三

擔擁柴荆
白髮三朝執戟郎賜骸偶值歲豐穰村東已種千畦麥舍北新
添百本桑

老民一日脫朝衣回首平生萬事非赤腳婢沽村釀去平頭奴
馭草驢歸

沈絲分已餞餘生造物苛畱未遣行今日下牀還健在一編來
就小窗明

一盃麥飯掩柴關坐久不堪腰腳頑拖得瘦藤閒信步小橋東
北望螺山

多事車前要八騮老人惟與一藤遊未教變化爲龍去更踏人

閒萬里秋

冬晴與子坦子聿遊湖上

湖邊細靄弄霏微。柳下人家晝掩扉。乘暖冬耕無遠近。小舟日
晚載犁歸。

村南村北紡車鳴。打豆家家趁快晴。過盡水邊牛跡路。嶺頭
獨伴閒行。

道邊白水如牛渚。知是山泉一脈來。會挈風爐竝石鼎。桃枝竹
裏試茶杯。

海山山下百餘家。垣屋參差一帶斜。我欲往尋疑路斷。試沿流
水覓桃花。

十八家詩鈔

卷二十八 七絕 陸游下

元

老僧八十無童子。禮佛看經總不能。雙手叉出迎客自稱六

十六年僧

一榼無時可醉吟。一藤隨處得幽尋。先須挽取銀河水。淨洗人
間塵霧心。

甌堂雜興共十首

朝來地碓玉新春。雞鴨豚肩異味重。便腹摩挲更無事。老人又
過一年冬。

曳杖東岡信步行。夕陽偏向竹間明。柴烟吐盡寒聲歇。又得霜
天一日晴。

閩溪紙被輒於絳。黎峒花紬暖勝氈。一夜山中三尺雪。未妨老

三分帶苦檜花蜜一點無塵柏子香鼻觀舌根俱得道悠悠誰識老龜堂

方石斛栽香百合小盆山養水黃楊老翁不是童兒態無柰菴中白日長

少年身寄市朝中俗論紛紛聒耳聾清絕甯知有今日高眠終夜聽松風

蒲團安坐地爐溫無位真人出面門世上不知何歲月斷鐘殘角送黃昏

散樸澆淳萬事新腐儒空有涕沾巾唐虞不是終難致自欠皋十八家詩鈔

卷二十八

七絕

陸游下

夔一輩人

庚申元日口號

慶元六年七十六歲

數行晴日照青鴛春入屠蘇潑灑樽兒報山僧畱刺去未爲無客到吾門

黃絕五丈裁衫穩黑黍三升作飯香造物要教無愧怍一身溫飽出耕桑

南陌東阡自在身耄年喜見歲華新洛中九老非吾侶且作山陰十老人

晚塗初入長生運新歲仍當大有年贖與鄉鄰同覓醉市樓酒賤不論錢

仁和館外列鴉行憶送龍舟幸建康舍北老人同甲子相逢揮
淚說高皇

枕上口占

三首錄其末

五十年閒萬事空嬾將白髮對青銅故人只有桃花在惆悵無
情一夜風

喜晴

江湖春莫多風雨點滴空階實厭聽臙喜今朝有奇事一窗晴
日寫黃庭

枕上

殘燈爛爛露螢明落葉蕭蕭寒雨聲堪笑衰翁睡眠少小詩常
十八家詩鈔

卷二十八

七絕

陸游下

三

向此時成

斷香猶在夢初回燈似孤螢闔復開怪底詩情清徹骨數聲新
雁枕邊來

對酒戲詠

淺傾西國蒲萄酒小嚼南州豆蔻花更拂烏絲寫新句此翁可
惜老天涯

食晚

日高得米喚兒春苦雨園蔬久闕供省事家風君看取半飢半
飽過殘冬

小舟白竹篷蓋保長所乘也偶借至近村戲作

茅檐細雨溼炊煙江路清寒欲雪天不愛相公金絡馬羨他亭
長白篷船

雪雲無際暗長空小市孤村禹廟東一段荒寒端可畫白篷籠
底白頭翁

稻飯

買得烏犍遇歲穰此身永免屬官倉塘南塘北九千頃八月村
村稻飯香

元注鏡湖下至海
凡種稻九千頃

追感往事

太平翁翁十九年父子氣焰可熏天不如茅舍醉村酒日與鄰

翁相枕眠

十八家詩鈔

卷二十八

七絕

陸游下

三

世事紛紛過眼新九衢依舊漲紅塵
桃花夢破劉郎老燕麥搖風別是春

渡江之初不暇給諸老文辭今尙傳六十年閒日衰靡此事安
可付之天

文章光焰伏不起甚者自謂宗晚唐歐曾不生二蘇死我欲痛
哭天茫茫

諸公可歎善謀身誤國當時豈一秦不望夷吾出江左新亭對
泣亦無人

雨晴風日絕佳徒倚門外

一雙芒屨伴筇枝不用兒扶自出嬉貪看南山雲白變舍西溪

上立多時

茶釀無端廢午眠杖藜信步到門前青裙溪女結蠶卦白髮廟

巫催社錢

章老三年病方死吳翁一夕呼不醒獨有此身頑似鐵倚門常

看莫山青

元注章吳皆鄰人以去冬死

海上作

厭逐紛紛兒女曹挂帆江海寄吾豪鯨吞鼉作渾閒事要看秋

濤天際高

夏日雜題

八首錄七八

憔悴衡門一秃翁回頭無事不成空可憐萬里平戎志盡付蕭

蕭莫雨中

十八家詩鈔

卷二十八七絕 陸游下

三

衰疾沈縣

短鬢疏淒涼圯上一編書中原久陷身垂老付與囊

中飽蠹魚

出門與鄰人笑談久之戲作

四首錄其二

莫靄昏昏半掩扉偶逢鄰叟荷鋤歸且令閒說鄉村事莫問渠

言是與非

夜歸

嘉泰元年辛酉七十七歲

今年寒到江鄉早未及中秋見雁飛八十老翁頑似鐵三更風

雨采菱歸

芙蓉菱陂夜半時小舟更著疾風吹青燐一炬楓林外鬼火漁

燈雨不知

錢道人飲酒食肉囊中不畜一錢所須飯及草屨二物皆臨時乞錢買之非此雖強與不取也

萬里飄如不繫船空囊短褐過年年食時無飯芒屨破只向街頭旋乞錢

誤辱君王賜鏡湖身隨鷗鷺寄菰蒲行年八十猶強健欲伴先生去得無

秋日雜詠 八首錄 一一三

都門初出若登仙弄水穿雲喜欲顛只恐光陰已無幾不知又過十三年

十八家詩鈔 卷二十八 七絕 陸游下 五

五百年前賀季真再來依舊作閒人一生看盡佳風月不負湖山不負身

菰蒲風起莫蕭蕭煙斂林疏見斷橋白蟹鬻魚初上市輕舟無數去乘潮

倚樓 元注研 三日

莫雲細細鱗千疊新月纖纖玉一鉤歎息化工真妙手衝寒來倚水邊樓

除夕

六聖涵濡作幸民明朝七十八年身門前西走都城道臥看無窮來往人

梅花絕句

嘉泰二年壬戌七十八歲

幾年不到合江園說著當時已斷魂
只有梅花知此恨相逢月底卻無言

當年走馬錦城西曾爲梅花醉似泥
二十里中香不斷青羊宮到浣花溪

聞道梅花圻曉風雪堆徧滿四山中
何方可化身千億一樹梅前一放翁

小亭終日倚闌干樹樹梅花看到殘
只怪此翁常謝客元來不是怕春寒

亂簷桐帽花如雪斜挂驢鞍酒滿壺
安得丹青如顧陸憑渠畫十八家詩鈔

我夜歸圖

卷二十八

七絕

陸游下

三

紅梅過後到緗梅一種春風不竝開
造物無心還有意引教日日放翁來

別嚴和之

器之魂逝已難招尙有和之慰寂寥
今夜月明空歎息想君孤棹泊溪橋

千里風煙行路難旅舟應過子陵灘
人間富貴知何物莫負君家舊釣竿

夏初湖村雜題

八首錄一四七

市遠村深客到稀草堂終日掩柴扉
釀成新蜜蜂兒靜分盡殘

泥燕子歸

日落溪南生莫煙幅巾蕭散立橋邊聽殘賽廟鼗鼗鼓數盡歸
村隻隻船

幽禽兩兩已成巢新竹森森漸放梢稻壠作陂先蓄水野堂防
漏卻添茅

夜吟

先生以嘉泰二年五月入都直史局修兩朝實錄三朝史此下皆在都時之詩

似睡不睡客欲枕欲落未落月挂檐詩到此時當得句羈愁病

思恰相兼

六十餘年妄學詩工夫深處獨心知夜來一笑寒燈下始是金
丹換骨時

十八家詩鈔

卷二十八

陸游下

三

感舊贈超師

一聲清蹕出行宮百尺黃旗繡戲龍我赴文場君受戒道邊曾
共望高宗

謝韓實之直閣送燈

玉作華星綴絳繩樓臺交映莫天澄東都父老今誰在腸斷當
時諫浙燈

舊友年來不作疏華燈乃肯寄蝸廬甯知此老蕭條甚二尺檠
前正讀書

紹興癸亥余以進士來臨安年十九明年上元從舅光州

通守唐公仲俊招觀燈後六十年嘉泰壬戌被命起造

朝明年癸亥復見燈夕遊人之盛感歎有作

隨計當時入帝城
笙歌燈火夜連明
甯知六十餘年後
老眼重來看太平

夢遊

太華峯頭秋氣新
醉臨絕壁岸綸巾
世閒萬事惟堪笑
禹跡茫茫九片塵

九秋風露洗頭盆
萬里雲煙腰帶鞵
小食松醪知已熟
與君爛醉不須醒

客途幽夢苦淒淒
滿眼山川意卻迷
條華朝驅雲外騎
河潼夜聽月中雞

聽月中雞

十八家詩鈔

卷二十八 七絕

陸游下

三

聞蛩

蟬聲未斷已蛩鳴
徂歲崢嶸得我驚
八十光陰猶幾許
勉思忠敬盡餘生

稽首周公萬世師
小儒命薄不同時
秋蟲卻是生無憾
名在幽人七月詩

湖上秋夜

湖上山銜落月明
釣筒收罷葉舟橫
不知身世在何許
一夜蕭蕭蘆荻聲

秋思

三首 錄一

烏柏微丹菊漸開
天高風送鴈聲哀
詩情也似并刀快
翦得秋

光入卷來

雜興十首錄
三七八

靈府甯容一物侵此身只合老山林何由挽得銀河水淨洗羣
生忿忿心

扁舟夜載石帆月雙屨曉穿天柱雲八十老翁能辦此不須身

將渡遠元注謂
李勣

犀象本安山海遠榎楠豈願棟梁材伏波病困壺頭日應有巖

光入夢來

書事

聞道輿圖次第還黃河依舊抱潼關會當小駐平戎帳饒益南

十八家詩鈔

卷二十八 七絕

陸游下

三

亭看華山元注饒益寺南亭
盡得太華之勝

關中父老望王師想見壺漿滿路時寂寞西溪衰草裏斷碑猶

有少陵詩

鳴綠桑乾盡漢天傳烽自合過祁連功名在子何殊我惟恨無

人快著鞭

九天清蹕響春雷百萬貔貅扈駕回不獨雨師先灑道汗流袞

袞入淮來

雨後

雨後涼生病體輕閒拖拄杖出門行槐花落盡桐陰薄時有殘

蟬一兩聲

甲子秋八月偶思出遊往往累日不能歸或遠至傍縣凡
得絕句十有二首雜錄入彙中亦不復詮次也錄一三五六七

八九
十二

齋雪猶能活窖中。僧牛亦可隱牆東。來歸里社當知幸。萬卷書
邊一老翁。

早攜書劍三隨計。晚辱弓旌四造朝。心媿石帆山下叟。一生不
識浙江潮。

蓄囊藥笈每隨身。問病求占日日新。向道不能渠。豈信隨宜酬
答免。達人。

藥麤野老偏稱効。詩淺山僧妄謂工。懷甃裏茶來問訊不妨一
十八家詩鈔陸游下 卷二十八 七絕

笑寂寥中。

家居愈老厭拘縲。旅舍僧房意自便。乞菜作羹殊有味。借牀小
憩卽成眠。

鄉閭敬老意常勤。一味甘鮮必見分。大截在前無箸食。始知富
貴本淨雲。

市樓嘈囂知豐歲。驛樹輪囷傲早霜。六十年間凡幾到。賸沾新
酒對斜陽。

秋風敗葉委蒼苔。小蹇閒遊始此回。溪上風煙爭晚渡。縣前燈
火賣新醅。

感昔

行年三十憶南遊。穩駕滄溟萬斛舟。常記早秋雷雨霽。松節指
點說流求。

馬瘦行遲自一奇。溪山佳處看無遺。酒壚強挽人同醉。散去何
曾識是誰。

負琴腰劍成三友。出蜀歸吳歷百城。最是客途愁絕處。巫山廟
下聽猿聲。

岳陽三伏正炎蒸。爽氣淒風見未曾。白浪蹴天樓欲動。當時恨
不到黃陵。

行遍天涯只漫勞。歸來登覽興方豪。雲生神禹千年穴。雪捲靈
胥八月濤。

十八家詩鈔

卷二十八

七絕

陸游下

四

莫秋

多雨今秋水渺然。溝溪無處不通船。山回忽得煙村路。始信桃
源是地仙。

閒傾清聖濁賢酒。穩泛朝南莫北風。射的山前雲幾片。一秋不
散伴漁翁。

百年大耋龍鍾日。九月初寒慘澹天。嶺谷高低明野火。村墟遠
近起炊煙。

舍前舍後養魚塘。溪北溪南打稻場。喜事一雙黃蛺蝶。隨人來
往弄秋光。

九月山村已驟寒。看雲殊怯倚闌干。一杯濁酒栽培睡。不覺春

雷起鼻端

清秋又是一年新滿眼丹楓映白蘋海內故人書斷絕汀洲鷗鷺卻心親

晚歸

梅市橋邊弄夕霏菱歌聲裏棹船歸白鷗去盡還堪恨不爲幽人暖釣磯

太息

太息貧家似破船不容一夕得安眠春憂水潦秋防旱左右枝梧且過年

禱廟祈神望歲穰今年中熟更堪傷百錢斗米無人要貫朽何十八家詩鈔

卷二十八

七絕

陸游下

望

時發積藏

北陌東阡有故墟辛勤見汝昔營居豪吞暗蝕皆逃去闔戶無人草滿廬

柳橋

村路初晴雪作泥經旬不到小橋西出門頓覺春來早柳染輕黃已蘸溪

鷗

海上輕鷗何處尋煙波萬里信浮沈今朝忽向船頭見消盡平生得喪心

鷗

雪霽春回亦樂哉。棋軒正對小灘開。翩翩飛鷺真吾友，肯爲幽人一再來。

夢中作

開禧乙丑
八十一歲

華山費水本閒人，一念無端墮世塵。八十餘年多少事，藥爐丹竈尙如新。

自詠絕句

雙鬢蕭條失故青，躬耕猶得養餘齡。明時恩大無由報，欲爲鄉鄰講孝經。

深村人有結繩風，晚歲身爲帶索翁。啜粥茹蔬茅屋底，誰知也過百年中。

十八家詩鈔

卷二十八

七絕

陸游下

望

不淪鬼錄不登仙，遊戲杯觴近百年。小市跨驢寒日裏，任教人作畫圖傳。

逆旅門前撥不開，先生醉策蹇驢來。未言乞得囊中藥，一見童顏且壓災。

遠遊索手不賣糧，薪米臨時取道傍。今日晴明行亦好，經旬風雨住何妨。

一條紙被平生足，半盃藜羹百味全。放下元來總無事，雞鳴犬吠送殘年。

平生甯獨愛吾廬，何處茅檐不可居。晷闕僮奴停接客，夜無膏火罷觀書。

睡著何曾厭
夜長老人少
睡坐何傷無
燈無火春寒
惡破絮麤
齋卽道場

新製小冠

淺醉微吟獨
倚闌輕雲淡
月不多寒悠
然顧影成清
漱新製柈
欄二寸冠

柈欄冠子輕
宜髮練布單
衣爽辟塵縱
不能詩亦堪
畫年餘入
十水雲身

秋懷

少年萬里度
關河老遇秋
風感慨多草
聖詩情元未
減若無明

鏡柸君何

十八家詩鈔

卷二十八

七絕

陸游下

望

園丁傍架摘
黃瓜村女浴
籬采碧花城
市尙餘三伏
熱秋光先到
野人家

迢迢枕上望
明河帳薄簾
疏柸冷何不惜
衣篝重換火
卻緣微潤得
香多

詩如水淡功
差進身似雲
孤累轉輕落
葉擁籬門巷
晚一枝藤杖
且閒行

秋思絕句

六首錄前五

煙草茫茫楚
澤秋牧童吹
笛喚歸牛九
衢不是風塵
少一點能來
此地不

榮悴元知豈
有常紛紛草
木占年光霜
風一掃知何
在楚客從

來枉斷腸

一片雲生便作陰東軒草樹共蕭森秋風豈必關人事自是衰翁感慨深

枳棘編籬書掩門桑麻遮路不知村平生詩句傳天下白首還家自灌園

胸次本來空只箇自私盆益益一何愚片帆忽逐秋風起聊試人閒萬一途

老學菴北窗雜書七首錄

茅落還夜養心君靜處工夫自策勳正喜殘香伴幽獨鴉鳴窗

白又紛紛

十八家詩鈔 卷二十八 七絕 陸游下 四

松棚接屋得陰多石徑生苔柰滑何盡道疏籬宜細雨晴時最好晒漁蓑

秋興

晨興秋色已淒淒啾啾猶聞隔浦雞說與鷹門謝來客要乘微雨理蔬畦

村酒甜酸市酒渾猶勝終日對空樽茅齋不柰秋蕭瑟躡雨來

敲野店門

困儲赤米枝梧飯餒有青氈準擬寒政使堆金無處用不須常

貼一錢看

病起殘骸不自支旋烹藜粥解飢羸一編蠹簡青燈下恰似莫

僧夜講時
淹速從來但信緣襟懷無日不超然喚船渡口因閒立待飯僧
牀得整眠
放翁老矣欲何之采藥名山更不疑但入剡中行百里姓名顏
狀有誰知
樵客高僧兩斷蓬偶同煙榜泛秋風栖賢雪夜忽忽別豈意相
逢在剡中

道室卽事

看盡吳山看蜀山歸來不減舊朱顏宣和遺老凋零盡况說祥
符景德閒

十八家詩鈔

卷二十八 七絕

陸游下

望

松根茯苓味絕珍甌中枸杞香動人勸君下筯不領略終作邱
山一窖塵

徧遊海嶽卻歸秦除卻南山萬事新長劍高車何足道金人十
二也成塵

黃金堆屋無處用甲第連雲誰與居莫笑先生無僕馬風雷萬
里跨鯨魚

憶昨

開禧三年丁卯八十三歲

入蜀還吳迹已陳蘭亭道上又逢春諸君試取吾詩看何異前
身與後身

當年落魄錦江邊物外常多宿世緣先主廟中逢市隱丈人觀

裏識巢仙元注蓬道人賣藥成都市中巢仙謂上官先生

萬里曾為汗漫遊。豈知白首弄漁舟。會騎一鶴凌風去。何處人間無酒樓。

出遊歸臥得雜詩

江天缺月西南落。村落寒雞一再鳴。自笑此身羈旅慣。野橋孤店每關情。

江村何處小茅茨。紅杏青蒲雨過時。半幅生絹大年畫。一聯新句少游詩。

眼明未了觀山債。力在猶能涉水行。莫笑軒然誇老健身存。終勝得浮名。

十八家詩鈔 卷二十八 七絕 陸游下 四三

壯歲經春在醉鄉。老來數酌不禁當。正須獨倚蒲團坐。頷略明窗半篆香。

兒扶行飯出柴扉。偃僂方嗟氣力微。道側偶逢耘麥叟。倚鋤閒話兩忘歸。

久讀仙經學養形。未容便應少微星。一枝新鍛金雅。背更向名山。斲茯苓。

薺花如雪滿中庭。乍出芭蕉一寸青。老子掩關常謝客。短蓑鋤菜伴園丁。

晚交數子多才傑。誰肯頻來寂寞鄉。但寄好詩三四幅。絕勝共笑億千場。

煙波卽事

短髮垂肩不裹巾。世人誰識此翁真。
阻風江浦詩成束。賣藥山城醉過春。

煙波深處臥孤篷。宿酒醒時聞斷鴻。
最是平生會心事。蘆花千頃月明中。

家浮野艇無常處。身是閒人不屬官。
但有濁醪吾事足。浮名不作一錢看。

落鴈沙邊艇子斜。分明清夢上三巴。
眼明一點炊煙起。不是漁家卽酒家。

雕胡炊飯芰荷衣。水退浮萍尚半扉。
莫爲風波羨平地。人間處處是危機。

十八家詩鈔

卷二十八

北絕

陸游下

望

夢筆橋邊聽午鐘。無窮煙水似吳松。
前年送客曾來此。惟有山僧認得農。

浪迹人間數十年。年年散髮醉江天。
岳陽樓上留三日。聊與瀟湘結後緣。

煙水蒼茫絕四鄰。幽棲無地著纖塵。
蕭條雞犬楓林下。似是無懷太古民。

歸老何須乞鏡湖。秋來日日飽蓴鱸。
正令霖雨稱賢佐。未及煙波號釣徒。

父子團圓樂到死。時漁家可樂更何疑。
高文大策人皆有。且聽煙

波十絕詩

見鵲補巢戲作

臥看銜枝鵲補巢方知此老嬾堪嘲山村四十餘年住未省曾添一把茅

春晚卽事

桑麻夾道蔽行人桃李隨風旋作塵煜煜紅燈迎婦擔蓁蓁畫鼓祭蠶神

小時抵死願春畱老大逢春去卽休今歲禹祠纔一到安能分日作遨遊

漁村樵市過殘春八十二年老病身殘虜遊魂苗渴雨杜門憂十八家詩鈔卷二十八七絕陸游下

國復憂民

龍骨車鳴水入塘雨來猶可望豐穰老農愛犢行泥緩幼婦憂蠶采葉忙

雜詠十首錄其二

鏡中顏狀年年改海內交朋日日疏一慟寢門生意盡從今無

復季長書

元注近聞張季長物故

夏日

雜題六首錄前五

東吳五月黃梅雨南浦孤舟白髮翁貂插朝冠金絡馬多年不

入夢魂中

午夢初回理舊琴竹爐重炷海南沈茅檐三日蕭蕭雨又展芭

蕉數尺陰
新縫細葛作蟲裯
簾展風漪凜
欲秋啼鳥一聲呼
夢斷依然書
卷在牀頭
檐前桐影偏宜夏
葉底蟬聲漸報秋
莫道衰翁怯風露
也能覓
醉水邊樓
渚蒲經雨送微馨
野鶴凌風有墮翎
歸入衡門天薄莫
清溝淺
浸兩三星

秋晚雜興

汀樹猶青未著霜
壠閒稗穗已先黃
放翁皓首歸民籍
爛醉狂
歌坐簣牀

十八家詩鈔

卷二十八

七絕

陸游下

巽

昔遇高皇起眾材
姓名曾得廁鄒枚
年踰八十猶賒死
卻伴鄰
翁斲芋魁

老病侵凌不可當
時時攬鏡自悲傷
西風吹散朝來酒
依舊衰
顏似葉黃

冷落秋風把酒杯
半酣直欲挽春回
今年菰菜嘗新晚
正與鱸
魚一併來

置酒何由辦
咄嗟清言深媿淡
生涯聊將橫浦紅絲磴
自作蒙
山紫筍茶

洗耳高人恥見堯
看渠應不受弓招
精神徇物那能久
刀礪君

看日日銷

石帆山下醉清秋。常伴漁翁弄小舟。箬笠照溪吾自喜，貂蟬誰管出兜鍪。

煙波萬頃鏡湖秋。清嘯雖聞不可求。自是世間知者少，山林何

代乏巢由。元注 隱者

禹巡吾國三千歲。陳迹銷沈渺莽中。豈獨江山無定主，苔磯知

換幾漁翁。元注 禹廟

江東誰復識重瞳。遺廟敲斜草棘中。若比伊嚶念如意，烏江戰

死尙英雄。元注 項 羽廟

漠漠漁村煙雨中。參差蒼檜映丹楓。古來畫手知多少，除卻范

寬無此工。

十八家詩鈔

卷二十八 七絕

陸游下

五

渺渺風煙接小江。牛頭山色滿蓬窗。門前西走錢塘路，也有閒人似老龐。

二友

剩儲名酒待梅開。淨埽虛窗候月來。老子幽居得二友，人間萬

事信悠哉。

歲晚 六首錄 四五

小岫嶙峋炷寶熏。卷書閒對一窗雲。鴈聲忽向天邊過，起立中

庭看斷羣。

曾見梅開十二三。曲塘冰綻水如藍。兒童鬪采春盤料，蓼茁芹

白與滿籃。

曉起折梅

織女斜河漏已殘長庚配月夜將闌小橋幽徑無人見折得梅花伴曉寒

新春感事八首終篇因以自解

錄一三五六八〇嘉定定元年戊辰八十四歲

九陌風和不起塵平湖冰解欲生鱗往來朝莫紛如蟻得見新春有幾人

一年最好早春天風日初和未脫絲坎坎圓聲賽神社翻翻小繖下湖船

錦城舊事不堪論回首繁華欲斷魂繡轂金羈三十里至今猶夢小東門

十八家詩鈔

卷二十八 七絕 陸游下

至

玻璃江上柳如絲行樂家家要及時只怪今朝空巷出使君人

日宴蠙頤

元注眉州

烏藤即是碧油幢百萬天魔指顧降酣枕不知霜縞瓦下牀已

見日烘窗

記閒

白雲堆裏看青山猿鳥為鄰日往還黃綺後身應我是再來依

舊一生閒

春遊

四首錄一三四

方舟衝破湖波綠聯騎踏殘花徑紅七十年間人換盡放翁依

舊醉春風

元注子年十四始到禹祠龍瑞今七十一

年矣

蘭亭路上換春衣。梅市橋邊送夕暉。聞有水仙翁。是否輕舟如葉槩如飛。

沈家園裏花如錦。半是當年識放翁。也信美人終作土。不堪幽夢大恩恩。

書憂

時人應怪我何求。白盡從來未白頭。磅礴崑崙三萬里。不知何地可薶憂。

門外獨立

朝看出市莫看歸。數盡行人尙倚扉。要見先生無盡興。少須高樹挂殘暉。

十八家詩鈔

卷二十八 七絕

陸游下

五

書感

翟公冷落客散去。蕭尹譴死人所憐。輸與桐君山下叟。一生散髮醉江天。

驅山不障東逝波。一樽莫惜醉顏酡。斜風細雨苕溪路。我是後身張志和。

秋暑夜起追涼

漱罷寒泉弄月明。浩然風露欲三更。曲闌干畔踟躕久。靜聽空廊絡緯聲。

道士磯邊浪蹴天。郎官湖上月侵船。莫年自度無因到。且與沙

鷗作後緣。道士磯今名道士泚在蘄州郎官湖在漢陽

秋思十首未鈔

秋雲易簇日常陰。西望山村每欲尋。屏掩數峯臨峭絕。蛇蟠一徑入幽深。

山步溪橋入早秋。飄然無處不堪遊。僧廊偶爲題詩入。魚市常因施藥留。

臨海銅燈喜夜長。蘄春笛簟怨秋涼。世閒生滅無窮境。盡付山房一炷香。

才不才閒未必全。胷中元自要超然。黃金不博身强健。且醉江湖萬里天。

牙齒漂浮欲半空。此生已付有無中。一杯藜粥楓林下。時與鄰翁說歲豐。

十八家詩鈔

卷二十八 七絕

陸游下

五五

疏泉洗石誇身健。試墨燒香破日長。若得三山安樂法。不須更覓玉函方。

閒愁正可資詩酒。小疾安能減食眠。一畝旋租畦菜地。千錢新買釣魚船。

眼明尚見蠅頭字。暑退初親雁足燈。歷歷胷中千載事。莫將輕比住菴僧。

感事

已醉猩猩猶愛展。入秋燕燕尙爭巢。老夫看盡人閒事。欲向山僧學打包。

仲秋書事十首末鈔

秋風社散日平西。餘昨殘壺手自提。賜食敢思烹細項。家庖仍

禁擘團臍。元注昔爲儀曹郎兼領膳部每蒙賜食與王公略等食品中有羊細項甚珍子近以惡殺不食蟹

斷雲歸岫雨初收。茅舍蕭條古渡頭。短褐老人垂九十。松枯石

瘦不禁秋。

客來深媿里閭情。近爲衰殘罷送迎。旋置風爐煎顧渚。劇談猶

得慰平生。

書生習氣盡驅除。酒興詩情亦已無。底怪今朝親筆硯。村鄉來

請辟蝗符。

靈府不搖神。秦定病根已去脈。和平金丹妙處無多子。只要先

生兩眼明。

省身要似晨。通髮止殺先從莫。拍蚊老負明時無補報。惟將忠

敬事心君。

杖得輕堅餘可略。酒能醅勁更何求。二君最是平生舊。白首相

從萬事休。

心明始信元無佛。氣住何曾別有仙。領取三山安樂法。蒲團紙

帳過年年。

溪上小雨

我是人間自在人。江湖處處可垂綸。埽空紫陌紅塵夢。收得煙

蓑雨笠身。

聞新雁有感

才本無多老更疏功名已負此心初鏡湖夜半聞新雁自起吹
燈讀漢書

新雁南來片影孤冷雲深處宿菰蘆不知湘水巴陵路曾記漁
陽上谷無

初冬雜詠

八首鈔一
四五六七

重陽已過二十日殘菊纔存三四枝對酒插花君勿笑從來不
解入時宜

微風颺水靴文浪薄日烘雲卵色天但恨世閒閒客少江湖底
處欠漁船

十八家詩鈔

卷二十八 七絕

陸游下

五

書生本欲輩莘渭蹭蹬乃去爲詩人囊中略有七千首不負百
年風月身

俗緣已斷甯容續幽事雖多不厭增折簡迎醫看病鹿春粳炊
飯供遊僧

夜窗父子共煎茶一點青燈冷結花村落盜清無吠犬園林月
上有啼鴉

得子虞書言明春可歸

白首相依飽蕨薇吾家父子古來稀春秧出水柔桑綠正是農
時望汝歸

病叟曾中一物無夢遊信脚到華胥覺來忽見天窗白短髮蕭蕭起白梳

昔人莽莽荒邱裏陳迹紛紛朽簡中畢竟是非誰辨得舉杯吾欲問虛空

梅二首
錄一

三十三年舉眼非錦江樂事祇成悲溪頭忽見梅花發恰似青羊宮裏時

春日雜興
嘉定二年己巳八十五歲
十二首錄一七八九十

方塘盪盪帶泥渾遠草青青沒燒痕只道雨晴春晝永歸時不覺已黃昏

十八家詩鈔 卷二十八 七絕 陸游下 五

一枝筇杖一山童買酒行歌小市中莫笑摧頽今至此當年萬里看春風

四十餘年學養生誰知所得亦平平體孱不犯寒時出路溼常尋乾處行

攪睡禽聲曉傍檐泥人花氣午穿簾懽情老去年年薄困思春來日日添

陰晴不定春猶淺困健相兼病未蘇見說市樓新酒美杖頭今日一錢無

花下小酌

柳色初深燕子回猩紅千點海棠開紫魚莼菜隨宜具也是花

前一醉來

雲開太華插遙空。我是山中采藥翁。何日胡塵掃除盡。敷溪道上醉春風。

夏日

十二首錄一三八
九十一一二

暑雨初晴晝漏遲。江鄉樂事有誰知。村村墉麥登場後。戶戶吳

蠶圻簇時

竹根斷作眠雲枕。木瘦剝成貯酒尊。怪怪奇奇非著意。自無俗物到山村。

謝客捐書日日閒。行身密竹臥看山。巖前恨欠煎茶地。安得茅

茨一小閒。

十八家詩鈔

卷二十八 七絕

陸游下

五

蘋生洲渚微風起。梅熟園林細雨來。咫尺柴門常嬾出。不教拄杖損蒼苔。

側臥橫眠百不知。軒窗寂寂雨絲絲。豈無布襪青鞋興。過卻梅

天出未遲。

幽花姪姹開還斂。小蝶翩翾去復留。貪睡畸翁俱不領。被人錯

喚作閒愁。

山下柴荆晝不開。苔生古井暗楸槐。新詩哦罷閒無事。移取藤

牀睡去來。

卽事

八首錄三四

煙雨淒迷晚不收。疏簾曲几寄悠悠。一雙蛺蝶來何許。點盡青

青百單頭
生春骨相本酸寒
天遣沙頭把釣竿
但稱山人撼耳帽
敢希楚客切雲冠

嘉定己巳立秋得膈上疾近寒露乃小愈

十二首錄一八九

獨立溪橋看落暉
殘蕪漠漠蝶飛飛
從來澤國秋常晚
歎息衰翁已衲衣

小詩閒淡如秋水
病後殊勝未病時
自翦矮牋膽斷毫
不嫌墨淺字傾欹

八月吳中風露秋
子鴉可炙酒新篘
老人病愈鄉閭喜
處處邀迎共獻酬

十八家詩鈔

卷二十八

七絕

陸游下

五

梅市書事

羸馬孤愁不可勝
小詩未忍付曹騰
一聲客枕江頭雁
數點商船雨外燈

未見

死去元知萬事空
但悲不見九州同
王師北定中原日
家祭無忘告乃翁

